

Ingerlatsinermut pilersaarut

2022 -2025

Kalaallit Nunaanni
Naatsorsueqqissaartarfik

Naatsorsueqqissaartarfik - Grønlands Statistik
Postboks 1025 · 3900 Nuuk
Oqar.: +299 34 57 70
www.stat.gl · e-mail: stat@stat.gl



NAATSORSUEQQISSAARTARFIK

**Ingerlatsinermut pilersaarut
2022–2025**

Imarisai

1 Tunuliaqut sinaakkutillu	5
1.1 Ingerlatsinermut pilersaarut.....	5
1.2 Naatsorsueqqissaartarneq pillugu inatsit.....	5
1.3 Pisortatigoortumik kisitsisit atorlugit paasissutissaliortarneranni FN-im tunngaviit.....	6
2 Suliaqarfuit akornanni suliniuteqarfuit.....	7
2.1 Uppernarsaasiorneq periutsillu	7
2.2 Digitaliseriineq.....	7
2.3 Allaffissornermi nalunaarsuinerit aaqqissuunneri pitsangortinnerilu	8
2.4 Suliakkiissutit	9
2.5 Allaffissornikkut naatsorsuinerit.....	10
2.6 Ingerlatitseqqiisarneq.....	10
2.7 Kinaassusaa isertorlugu isertupajaarlugulu immikkuualuttut pillugit paasissutissanik pissarsisinhaaneq	12
2.8 Oqaatsit.....	12
2.9 Kalaallit Nunaanni kisitsisit.....	13
2.10 Misissuinernit aamma kisitsisitigut paasissutissaliornerni pissarsiviit allat	13
2.11 Nunani tamalaani suliniaqatigiiffinnut paasissutissanik tunniussisarneq	14
2.12 FN-p nunarsuarmi anguniagai	14
3 Immikkoortut kisitsisit paasissutissat ataasiakkaat.....	17
3.1 Siulersuisut pingaarnersiuinerannut tunuliaqutit.....	17
3.2 Ukiuni tulliuttuni qaninnerni ineriarornerit	17
3.3 Pisortat aningaasaqarnerat.....	18
3.4 Peqqinneq	18
3.5 Pisortaqarfinni aningaasarsiat.....	18
3.6 Suliffeqarneq.....	19
3.7 Innuttaasut pillugit kisitsisitigut paasissutissat	19
3.8 Meeqqat angerlarsimaffiup avataani inissinneqartut	19
3.9 Innarluutillit.....	20
3.10 Takornariaqarneq	20
3.11 Avammut tunisat eqqussukkallu nalingisa oqimaaqtigiissinnerat aamma nunaniq allanik niueqateqarneq	20
3.12 Suliffissarsiortut.....	21
3.13 Paasissutissat assigiinngitsut tunngavigalugit innuttaasunik naatsorsuinerit	21
3.14 Nuna tamakkerlugu naatsorsuutit.....	22
3.15 Pinerluuteqarsimasut pillugit kisitsisit	23
3.16 Kisitsisitigut paasissutissat ilinniarernut tunngasut	23
3.17 Soraarnerussutisiat (ilaatigut aningaasaatit aningaasaliissutigineqartut)	23
3.18 Aalisarneq.....	24

3.19 Sanaartornermut aningaasartuutinut naleqqersuut.....	24
3.20 Pisussat pillugit ilaagassat (Fremskrivningmodeller).....	24
3.21 A-bidrag (akilersuutit)	25
4 Ilisimatusarneq.....	25
4.1 Ilisimatusarneq	25
5 Sulisut.....	25
5.1 Sulisut	25
5.2. Sulisut kattuffiinut isumaqatigiissutinut aningaasaliissutinullu sinaakkutit	25
5.3 Piginnaasat nutaat	26
5.4 Sulisut sulisoriinnarnissaat.....	26
5.5 Sulisussarsiortarneq.....	27
5.6 Kalaallit Nunaata avataani siunnersortit sulisullu.....	27
6 Atuisut.....	28
6.1 Atuisut	28
7 Aningaasaqarneq	28
7.1 Aningaasaqarneq.....	28

Ingerlatsinermut pilersaarut 2022-2025

1 Tunuliaqut sinaakkutillu

1.1 Ingerlatsinermut pilersaarut

Naatsorsueqqissaartarfiup Ingerlatsinermut pilersaarusiaa siulleq 2015-imikunut saqqummersinneqarpoq, unalu pilersaarut Naatsorsueqqissaartarfiup Ingerlatsinermut pilersaarutaasa arfineq pingajussaraat. Pilersaarummi siullermik sammineqartut allaaserineqaqqipput nutaanik ilisimasanik ilaartorneqarlutik.

Ingerlatsinermut pilersaarut Naatsorsueqqissaartarfimmi ukiunut arlalinut ineriartortitsinermut pilersaarutit innuttaasunit pissarsiarineqarsinnaanisaannik anguniagaqarnermik aallaaveqarpoq. Naatsorsueqqissaartarfiup ukiu-moortumik nalunaarutaa pisarnertut siumut isigaluni immikkoortumik imaqarpoq. Kisiannili ingerlatsinermut pilersaarut ukiumoortumik nalunaarusianut saqqummiunneqartartunut sanilliullugu immikkuualuttunik imaqarne-rungaarpoq. Ingerlatsinermut pilersaarummut peqatigitillugu ukiumoortumik nalunaarutip imarisamigut annikinnerunissaa Naatsorsueqqissaartarfiup toq-qarpa.

Ingerlatsinermut pilersaarut ukiunut sisamanut ingerlaavartumik pilersaarutaasassaaq, taannalu Naatsorsueqqissaartarfiup siulersuisuinit ukiut tamaasa nutarterneqartassaaq. Ingerlatsinermut pilersaarutit ukiumoortumik saqqum-mersitassatut pilersaarutitigut piviusunngortinneqartassapput. Nutarterinis-sani ilaatigut digitaliseringimut periusissiaq kisitsisitigut paasissutissaliorner-milu paasissutissat tunngavigineqartartut pillugit suliniut Naatsorsueqqissaartarfimmut kingunerisa pilersaarusiornermi pitsaanerusumik ilangunneqar-sinnaanera annertunerusumik erseqqissarneqarput.

1.2 Naatsorsueqqissaartarneq pillugu inatsit

Naatsorsueqqissaartarfik Kalaallit Nunaanni pisortatigoortumik kisitsisitigut paasissutissaliornermi qitiusumik oqartussaavoq. Naatsorsueqqissaartarfiup siunertaraa paasissutissat tunngavigalugit inuiaqatigiinni ineriartornerup, politikkikkut allaffissornikkullu aalajangiinerit, pilersaarusiornerit inuiaqati-giinnillu ilisimatusarnermik nalilersuinissap qulakkeerneqarnissaa.

Naatsorsueqqissaartarfik aaqqissuussaanermi Aningaasaqarnermut Naligiissitaanermullu Naalakkersuisoqarfiup ataaniippoq. Kisiannili Naatsorsueqqisaartarfimmi aqutseriaaseq Naalakkersuisoqarfiup ataani aqutsisoqarfinnut allanut sanilliullugu allaaneruvoq. Naatsorsueqqissaartarfimmik quilliuneru-sumik akisussaasut tassaapput siulersuisut, inuiaqatigiinni pissutsinik ilisimmasalinnik tallimanik ilaasortaaffigineqartut. Naatsorsueqqissaartarfimmi pi-sortaq ulluinnarni aqutsisuuvvoq sulisoqarfillu avammut aamma sinnisuuf-figisarlugu.

Naatsorsueqqissaartarfiup suliassai pingarnerit Naatsorsueqqissaartarfik pil-lugu Inatsisartut inatsisaanni nr. 11, 29. oktober 1999-imeersumi kingusin-nerusukkut allanngortinneqartumi ersipput.

Inatsit naapertorlugu Kalaallit Nunaanni inuiaqatigiinni pissutsit pillugit kisitsitigut paasissutissaliornermi paasissutissat Naatsorsueqqissaartarfiup katarsortarpai, suliaralugit avammullu saqqummiullugit. Naatsorsueqqissaartarfik aammattaaq kisitsisitigut paasissutissaliorluni paasissutissat akiliisitsilluni katarsorsinnaavai, suliaralugit avammullu saqqummiullugit. Naatsorsueqqissaartarfik naggataatigut kisitsisitigut paasissutissiineremi nunat tamat akornanni suleqatigiinneq pillugu suliassaqartarpoq.

Siulersuisut suliassaat kisitsisitigut paasissutissiisarneq pillugu inatsimmi erittut tassaapput:

- Naatsorsueqqissaartarfimmik qulliunerusumik akisussaaffeqarneq.
- Pisortat kisitsisinik paasissutissaliortarnerisa ataqtigiissaarnisaanut siunnersuusiorneq.
- Naatsorsueqqissaartarfiup siunertat pillugit aalajangersakkat naapertorlugit sulinissaa isumagalugu.
- Naatsorsueqqissaartarfiup piffissamut sivisuumut sulinuteqarfissaanik pilersaarusat akuerisassallugit.
- Naatsorsueqqissaartarfiup sulinissamut pilersaarutai akuerissallugit.
- Suliffeqarfip ingerlatsineranik ukiumoortumik Naalakkersuisunut ukiumut ataasiarluni nalunaarusiornissaq.

1.3 Pisortatigoortumik kisitsisit atorlugit paasissutissaliortarneranni FN-imi tunngaviit

Naatsorsueqqissaartarfik pisortat kisitsisinik paasissutissaliortarnerat pillugu FN-imi tunngaviit malillugit sulisarpoq. Tamassuma ilaatigut kinguneraa:

- Kisitsisinik paasissutissat sumulluunniit atassuteqarani innuttaasunit pissarsiarineqarsinnaassapput.
- Ilisimatusarnermi ileqquusut naapertorlugit kisitsisigut paasissutissaliornermi datanik pissarsiviit periutsillu pillugit paasissutissat saqqummiunneqartassapput.
- Inuit pillugit paasissutissat naatsorsueqqissaartarfiiit kisitsisinik paasissutissanik suliaat, inuit ataasiakkaat inatsisilluunniit tunngavigalugit inuit pineqaraluarpata, isertuullugit suliarineqartassapput, taamaallaallu kisitsisinik paasissutissaliornermi siunertaqluni atorneqassallutik.
- Nunani ataasiakkaani naatsorsueqqissaartarfiiit qaffassisutsini tamani kisitsisinik paasissutissaliornermi periutsini taaguutit, immikkooertiterinerit periutsillu imminnut ataneri atorneqarluarsinnaanerilu siuarsassavaat.

2 Suliaqarfiit akornanni suliniuteqarfiit

2.1 Uppernarsaasiorneq periutsillu

Immikkoortuni kisitsisinik paasissutissaliorfiusuni assigiinngitsuni pitsaanerumik assigiaarnerusumillu upternarsaasiortarnissaq Naatsorsueqqissaartarfíup suliniutigaa. Nittartakkami www.stat.gl-imi immikkoortuni kisitsisitigut paasissutissiissutini tamani periutsit, immikkoortiterinerit/ilisimatusarnermi taaguutit, pissarsiviit, assigiinngiaarnerit taagutinillu pingaarnernik nassui-aanerit pillugit paasissutissat takuneqarsinnaassapput. Kisitsisinik paasissutissaliornernik nalunaarsuiffinni pingaarnerni tamani ilaatigut nalunaarsuiffit ilisimatusarnermi annertunerusumik atorneqarsinnaanissaat siunertalarugu assigiinngiaarnerit nalunaarsuiffinniittut pillugit takussutissiat avammut saq-qummiunneqartassapput. Innutaasunut tunngasut nalunaarsuutit siulliullugit suliarineqarput.

Kalaallit Nunaat NordForsk-imit avannaamioqatigiit akornanni nalunaarsuiner mik ilisimatusarnermut peqataanissamut aningaasaliissutinik pissarsisarpooq. Naatsorsueqqissaartarfíup nalunaarsuisarnerata siunissamut sinaakku-siilluni pitsaanerumik paasissutissalerneqartalernissaa ilisimatusarnerup toqqaananngikkaluamik kingunerisassaasa ilagaat.

Kisitsisaataasivimmi nalunaarsuutit upternarsaatitut atorneqartartunut periuseq atorlugu Naatsorsueqqissaartarfímmi upternarsaasiorneqartarput. Maanna kisitsisitigut paasissutissiat arlaqartut upternarsaasiorneqareerput. Sammisnut assigiinngitsunut paasissutissanut upternarsaatit amerliartorneri malillugit Naatsorsueqqissaartarfímmi tamanut saqqummersinneqartassapput, tamannalu immikkut nalunaarutigineqartassaaq.

Paasissutissat upternarsaasiorne ri nutaamik suliarinnittusanut ajornanningerusumik kinguneqassaaq, ukiuni arlaqartuni inummit ataatsimit suliarineqarsimasut eqqarsaatigalugit.

2.2 Digitaliseriineq

Digitaliseriinermut pisortat ataatsimut periusissiaat Naalakkersuisut 2014-imi akueraat, kingullermik taanna 2018-2021-mi nutarterneqarpoq. Suliniuteqarfiit aalajangersimasut atuutilersinneqarnerannut atatillugu Naatsorsueqqissaartarfík suliassaqarnerulissaaq. Kisiannili piffissaq sivilsunerusoq eqqarsaatigalugu periusissiami Naatsorsueqqissaartarfímmut nutaanik periarfisisut im-mikkoortut amerlanerulissapput.

Inuit (CPR), suliffeqarfiit, (CVR) illuutit nunamullu paasissutissat (assersuutigalugu najukkat pillugit paasissutissat) pillugit tunngaviusumik paasissutissat pingaaruteqarput. Paasissutissat tunngaviusut kisitsisitigut paasissutissiarpasuarni Naatsorsueqqissaartarfímmi pitsaassutsit qaffatsissavaat aammalu illuutit pillugit kisitsisinik paasissutissisoqartalersinnaassalluni. Aammattaaq ilimagineqartariaqarpoq datat paasuminarsarnissaannut isumalluutit ikinne-rusut Naatsorsueqqissaartarfíup piffissami sivilsunerusumi atortassagai.

Digitaliseriinermut periusissiami inuit pillugit paasissutissat pillugit nutaamik inatsisiliortoqarpoq, tassanilu aalajangersakkat danskit inuit pillugit paasissu-

tissat pillugit inatsisaanniittut qaninnerulerlugin Kalaallit Nunaanni inatsise-qalerpoq.

Piffissaq ungasinnerusoq eqqarsaatigalugu digitaliseeriinerup annertusinerata kingunerisaanik, Naatsorsueqqissaartarfimmit periarfissaarnerulernissaq naatsorsuutigineqarpoq. Nalunaarsuinerit assigiaarnerusut aallaavigalugit kisitsisitigut paasissutissat atuuttut suliarineqaraangata immikkoortunilu nutaan ni aaqqissuussamik assigiaartumillu nalunaarsuisoqartalernissa isumalluarfigineqarluni. Pisortat ataatsimut aningaasaqarnermik aqtsinermi aqtsinermilu paasissutissanik nalunaarsuiffeqarneranni Naatsorsueqqissaartarfik pif fissamut ungasinnerusumut nutaanik periarfissaqalermat. Aamma takuuk im-mikkoortoq 2.3 ataaniittoq.

2.3 Allaffisornermi nalunaarsuinerit aaqqissuunneri pitsanngortin-nerilu

Naatsorsueqqissaartarfipi Kalaallit Nunaanni pisortat Naatsorsueqqissaartarfiu erat isumaqanngilaq Naatsorsueqqissaartarfik kisitsisinik paasissutissaliornernut tamanut tabelinut piariikkanut datanik taamaallaat katersuisartoq. Naatsorsueqqissaartarfittulli allatut pisortat, suliffeqarfitt kattuffillu paasissutissanik suliaqarnissaat Naatsorsueqqissaartarfipi pisariaqartippaa. Nunani allani kisitsisinik paasissutissaliornerni amerlanerni atuuppoq nalunaarsuiffit allaffisornermut siunertaqarluni pisortat oqartussaasut suliaat, taakku aallaavigalugit paasissutissanik tunngaveqarluni Naatsorsueqqissaartarfik kisitsisitigut paasissutissanik katersuisarpoq, suliaqartarpoq avammullu saqqumiussisarluni.

Naatsorsueqqissaartarfik naliliivoq nalunaarsuiffinni allaffisornermi atorneqartartuni paasissutissat pingarnerit tunngavigalugit kisitsisinik paasissutissaliornnerit eqqortumik takutitsisunik kisitsisitigut paasissutissaliornernik kinguneqartartoq, tassa nalunaarsuiffit oqartussaasunit akisussaasunit amerla-soorpassuuartigullu inunnit suliffeqarfinnillunniit aamma ingerlaavartumik misissorneqartarmata. Tassunga peqatigitillugu allaffisornermi nalunaarsuiffit tunngavigalugit kisitsisitigut paasissutissiat suliarineqarnerat akikinner-sarpoq, tassa Naatsorsueqqissaartarfik datanik suliffeqarfinni inuinnarnilu kartersuinissamut isumallutinik atuissangimmat aammalu paasissutissanik assigiaartunik nalunaaruteqartoqarnissaa qulakkeerneqartarluni. Naggasiullugu, allaffisornermi nalunaarsuiffit ilusilersugaanerat aaqqissuussamillu atorneqartarnerat allaffisornermi oqartussaasuni akisussaasuni pisariillisaanissa-put aamma tapersiisarput.

Qulaaniittunut nangeqqillugit Naatsorsueqqissaartarfik inassuteqaateqarpoq, qitiusumik allaffissuup kommunillu siunissami suleqatigiillutik – suliassanik suliarinninnerut atatillugu aaqqissuussamik nalunaarsuinerit aallaavigalugit paasissutissat pisortat suliarisaat tunngavigalugit kisitsisitigut paasissutissaliornnerit nutaat suliarineqartarnissaat anguniartariaqaraat.

Pisortani oqartussaasut allaffisornermi nalunaarsuiffinnik pilersitsiniartut Naatsorsueqqissaartarfimmik aamma Digitalimik sullissinermut Aqutsisoqarfimmik isumasiuisarnissaat ataatsimut isigalugu qulakkeerneqartariaqarpoq, taamaalilluni nalunaarsuiffit naleqquttumik ilusilersornissaat aammalu kisitsisinik paasissutissaliornernut atorneqarsinnaaneri qulakkeerneqarniassammatt. Nalunaarsuiffit aaqqissugaanerannik allanngortinnerinillu Naatsorsueqqissaartarfimmut nalunaartussaaitaaneq kisitsisitigut paasissutissiisarneq pillugu inatsimmi allaqqareerpoq, kisiannili tamassuma ilisimatitsissutigisarnissaa

siunertalarugu Naatsorsueqqissaartarfik annertunerusumik suliniuteqarniarpoq.

2.4 Suliakkiissutit

Paasissutissarpassuit Naatsorsueqqissaartarfipigisai akiliisitsilluni arlainnik aaqqiissuteqarnissamik neqerooruteqarnissamik periarfissiippit. Akiliisitsilluni suliassat paasissutissat allat ilangullugit imalinnik immikkualuttungorlugit akiliisitsinani pisortanut suliarineqartunit imaluunniit sullissat ataasiakkaat pisariaqartitaannut naleqqussarneqartunit allaanerusarput. Akiliisoqarnissaanut tunngavilersuutigajunneqartarpooq avammut saqqummiunneqaraangata paasissutissat eqqortuutinniarlugit Naatsorsueqqissaartarfipukkunersiusarnera. Datat immikkualuttungornerullugit atorneqarneri annertunerusumik suliarineqarnissaannik kukkunersiorneqarnissaannillu pisariaqartitsisoqartarpooq, taamaaliortoqartillugu akilersitsisoqartarpooq.

Tunngaviusumik kisitsisinik paasissutissaliornermut suliaqarnermut naleqqukkaangata kiisalu sulisut pigineqaraangata Naatsorsueqqissaartarfik siunnissami akiliisitsilluni suliaqartaannassaaq. Naatsorsueqqissaartarfik nammieerluni suliassanik tuniniaasassanngilaq aammalu suliat akilersinneqartut amerlippata iluatsitsinertut isiginagu. Naatsorsueqqissaartarfik suliakkiissutit kisitsisinik paasissutissiornermi tabelit kisitsisaataasivimmiittut immikkualuttungornerat annertusillugu kisitsisitigullu paasissutissat ujartorneqarajuttartut aningaasanut inatsimmi aningaasaliissutinit matussuserneqartut ilanguttarnerisigut ilaatigut siumut isigaluni ingerlatsinermi tunngavik nammieerluni annikillisittarpaa.

Suliakkiissutit nalunaarsuinerit tunngavigalugit taamaallaat tabelinngortillugit Naatsorsueqqissaartarfip killilerniassavai. Apersuinerit tunngavigalugit misissuinissanik sullissat kissaateqarpata Naatsorsueqqissaartarfik paasissutissat pillugit nakkutilliisoqarfimmuit (Datatilsyn) akuerineqareernikkut tigusillattairrilluni misissuinernut atugassanik innuttaasut pillugit nalunaarsuiffinniit pissarsianik tapersiisinnavaq, kisiannili ilaannikkut Kalaallit Nunaanni Danmarkimiluunniit misissuinerni apersuisartut apersuineri atorsinnaassassallugit.

Kisitsisitigut paasissutissat nalilersuinerillu suliarinissaannut siunnersortit ilisimatusartullu avataaneersut qitiusumik allaffissuup kommunillu akuttunngitsumik atortarpaat, tassani Naatsorsueqqissaartarfip kisitsisinik paasissutissiai pingaarnertut atorneqartarlutik. Siunnersortit suliakkerneqaraangamik Naatsorsueqqissaartarfimmit paasissutissanik akuttunngitsumik immikkut kisitsisinik aniatitsisarput imalluunniit Naatsorsueqqissaartarfip serverianit namminneq nalilersuinissaminut kikkuuneri paassiuminaasaarlugit datanik pisisarlutik.

Siunnersortit kisitsisitigut paasissutissanik imaqartunik nalilersuinissanik nalunaarusiornissanillu sulisussarsiarineqannginneranni Naatsorsueqqissaartarfik isumasierneqarsinnaalluartoq Naatsorsueqqissaartarfip ilisimatitsissutiginiartassavaa. Naatsorsueqqissaartarfik isumaqarpoq nalunaarusiat nalilersuinerillu isumalluutit/ningaasartuutit ikinnerusut atorlugit suliarineqarsinnaasut. Naatsorsueqqissaartarfik taamaalilluni kisitsisit suut kisitsisaataasivimmeereernersut nalilersorsinnaavaa amma nalunaarsuiffiit pioreersut atorlugit sunik kisitsisitigut paasissutissalorsinnaanera aammalu paasissutissat ataatsimoortillugit datanillu nutaanik pissarsilluni annertunerusumik suliaqarnissamik pisariaqartitsiviunersut ikiuussinnaavaq.

2.5 Allaffissornikkut naatsorsuinerit

Kisitsisitigut paasissutissanik saqqummiisoqartillugu taaguutit, immikkoortiterinerit periutsillu nunat tamat akornanni atorneqartartut Naatsorsueqqisaartarfiup sapinggisamik atortarpai. Kisitsisitigut paasissutissat taakkutilaatigut inuit suliaqarfinni aalajangersimasuni ulluinnarni suliaqartut – assersuutigalugu qitiusumik allaffissuarmi kommunimiluunniit allaffimmi sulisut – ujartugarineq ajorpaat. Assersuutigalugu ingeniøritut ilisimatusartutut, pilersitsisartutut sanaartukkanillu ilusilersuisartutut inuussutissarsiuutinut ilinniarsimasut, nunarsuarmi taaguutitut atorneqartut, pinnagit sanasut Sisimiuni Sanaartornermut Ilanniarfimmi ilinniarsimasut qassiuneri ujartorneqarajuttarput.

Allaffisornermi nalunaarsuisarnernik Naatsorsueqqissaartarfiup suliaqartarnissaa siunertaralugu oqartussat sulianik ingerlatsisartut Naatsorsueqqissaartarfiup oqaloqatigisarpai. Pingaartumik nalunaarsuiffiit Naatsorsueqqissaartarfiup ineriertortinnikuusai atorlugit allaffisornermi naatsorsuinerit ajornannikannersumik suliarineqartarnissaanni. Assersuutigalugu tassaapput immikkoortuni pisortat aningaasaqarnerat akissarsiallu kiisalu suliffeqarneq ilinniartitaanerlu. Kisiannili aningaasatigut isumalluuteqartitsisoqarnissaa aammalu paasissutissanik isumannaallisaasarnerup paasissutissallu pillugit isertuussaqartarnerup ajoquserneqannginnissaat Naatsorsueqqissaartarfimmup pingaaruteqarpoq.

Tunngaviusumik atuarfiit pillugit kisitsisitigut paasissutissat amerlanerpaat Ilinniartitaanermut Aqutsisoqarfimmit ullumikkut suliarineqartarput, taavalu ilinniartitaaneq pillugu kisitsisitigut paasissutissat allat Naatsorsueqqissaartarfimmit suliarineqartarlutik. Assersuutigalugu inuuusuttut anguniakkat pillugit kisitsisitigut paasissutissaliornermut atatillugu ingerlatsisarnernik naliuersuinerit annertunerusumik isiginiarneqalerneranni Naatsorsueqqissaartarfiup Ilinniartitaanermullu Aqutsisoqarfip ataqatigiissumik ataqatigiissaarinikkut suleqatigiinnissaat pisariaqartorujussuuvoq.

2.6 Ingerlatitseqqiisarneq

Kisitsisit allanngoriartorneri isiginiarlugit saqqummersitat naannerusut Naatsorsueqqissaartarfiup atornerusarniarpai. Saqqummersitanut uppernarsaatnik periutsinillu allaaserinninnerit nittartakkami immikkoortunut tamakkununnga tunngasunut tassunga peqatigitillugu nuunneqassapput. Saqqummersitat naannerusut kisitsisaataasivimmi paasissutissanik immikkualunnerusunut innersuussutinik imaqartassapput.

Kisitsisitigut paasissutissanik soqtiginninnerunissaq nutserinermullu isumalluit atorneqartut annikillisinneqarnissaat qulakteerniarlugit saqqummersitat naalisinneqassapput. Taamaaliornikkut paasissutissat kisitsisaataasivimmi pissarsiarineqarsinnaasut pitsaassusaat annertusarneqarnissaat pitsanngortinneqarnissaallu isiginiarneqarnerulissaq.

Saqqummersitsinermut ilanngullugu Naatsorsueqqissaartarfimmit tusagassiuutinut nalunaarummik ilanngussisoqarajuttarpoq. Saqqummersinneqartartut ataasiakkaat tusagassiutitigut nalunaarutitaqassanersut immikkut isumaliutesuutigineqassapput. Kisitsisitigut paasissutissat nutaat eqqarsaatigalugit tusagassiutitigut nalunaaruteqartarnissaq pingaaruteqarpoq, taakkulu suliarineqartassapput tusagassiuutinut tigusiffiignnarneqarsinnaasunngorlugit.

Tassunga atatillugu kisitsisaataasiviup pingaarnertut ingerlatitseqqiisarfialer-neratigut atuisartunik pikkorissartitsisarnerup pingaernerulersinnissaanik pisariaqartitsisoqarpoq. Ilinniartunut, isumaginninnermut kisitsisink paassisutissanik sulinerminnut atatillugu atuisartunut inuinnarnullu pikkorissartitsinernik Naatsorsueqqissaartarfik ataavartumik neqerooruteqartassaaq.

Internetimik atuinerup pitsangoriartornera aamma akikilliartornera ilutigalugu Naatsorsueqqissaartarfimmit kisitsisaataasivimmik atuinermkilitsersuusiornissaq misilinniarpa, taanna pikkorissaanerit saniatigut pisussatut pilersaarutigineqarpoq. Filmi suliarineqartoq sulisunit nutarterneqarsinnaanissa anguniarneqarpoq, taamaattumik imarisaa immikkut isiginiarneqassaaq ilusaa pivallaarnagu.

IT-mi sulisut paassisutissanik kisitsisaataasivik ingerlatitseqqiivittut atorsinnaassavaat kisitsisillu nutartikkat programmini atoqqissinnaassallugit, assersuutigalugu oqarasuaatinut angallattakkunut apps-inut, nittartakkani immikut grafikinngorlugit saqqummiinerni il.il. Paassisutissat API (application programming interface) atorlugu atuisunit tamanit atorneqarsinnaapput. API Sverigemi Naatsorsueqqissaartarfip atugaa Naatsorsueqqissaartarfip atorpaa, kisitsisaataasivimmut toqqaannaq atassuteqarluni atorneqarsinnaasoq.

Takornariat nittartagaat www.tourismstat.gl 2015-imili API atorlugu nutarterisalerpoq. Naatsorsueqqissaartarfip nittartagaani titartakkat atorlugit saqqummersitanik pitsangorsaanarluni API aamma atorneqarpoq. API-mik atuinerup siunertaasa apparivaat API-mik atuinermkilitsersuusiornissaq, atuilertussanik pitsasumik siunnersuisarnissaq eqqarsaatigalugu. Atuilertussat sukkannerusumik API-mik atuilernissaat anguniarlugu Naatsorsueqqissaartarfip nittartagaani programkode akeqanngitsumik tamanit atorneqarsinnaavoq.

Paassisutissanik takussaasunngortitsinissamut pisariaqartitanik programminik atuisunut ajornannginnerulersitsineq, tassunga ilanggullugu titartaganngortitsinerit paasinartut (infografik) atorlugit saqqummersitsisarnerit, assersuutigalugu Facebookimi nutarsiassanik nalunaaruteqarnermi, periarfissat ajornannginnerulerlernissaat pilersaarusiorneqassaaq. Suleriaaseq taanna periarfissiivoq open-sourcemic R;-imik atuisinnaanermik misilittagaqalernissamut, programmi pineqartoq nalinginnaasuuvooq datanik paasinarsaanermi suliaqarnerni.

Naatsorsueqqissaartarfip FN-imit nunarsuarmi anguniarneqartut pillugit saqqummersitai (www.stat.gl/VMD) API atorlugu suliaapput R-imik kodelerlugit suliareqqitaallutik. Nunarsuarmi anguniakkanut ataasiakkaanut kode najoq-qutaq aaneqarsinnaavoq uppermarsaatit imaluunniit misileraatissatut.

Kisitsisitigut paassisutissanut Naatsorsueqqissaartarfip nammineq suliarisartagaanut pissarsiarineqarsinnaasunut kisitsisaataasivik ullumikkut atorneqarneruvoq. Kisitsisit paassisutissartai Naatsorsueqqissaartarfimmit misissorlu-aqqaarnagit kisitsisaataasivimmut ilineqartartunik kisitsisaataasivik tamassuma saniatigut imaqrpoq – assersuutigalugu Uumasunut nakorsamiit aamma Nakorsaaneqarfimmiit kisitsisit.

Naatsorsueqqissaartarfip anguniagaraa sulisoqarfifit amerlanerusut kisitsisaataasivimmik atuisassasut, taamaalluni Naatsorsueqqissaartarfip nittartagaan annertunerusumik Kalaallit Nunaat pillugu paassisutissanik qitiusumik nittartagaassalluni. Kisitsisaataasiviup ingerlatitseqqiffiusarnissaanut pisariaqarpoq pilersuisut pitsaassutsinik aalajangersimasunik malinninnissaat nammimeer-

sinnaanissaallu, tabelillu pissarsivinnik erseqqissumik imaqarnissaat, tabelillu ingerlaavartumik nutartertarnissaat, minnerpaamik ukiumut ataasiarluni.

Finlandimiut naatsorsueqqissaartarfiat isumassarsiorfigalugu Naatsorsueqqissaartarfik makronik kisitsaataasivimmi tabelinik ajornannginnersumik suliaqartarnissaq siunertaralugu ineriartortitsivoq. 2021-mi makrot pineqartut naatsorsuinermut nalunaarsuiffimmut paasissutissiornermut aamma naatsorsuinerni assiginngitsuni paasissutissat nassuaatillu assigiaarneqarnissaanut atorneqarsinnaasunngortinnejarpuit.

2.7 Kinaassusaa isertorlugu isertupajaarlugulu immikkuualuttut pillugit paasissutissanik pissarsisinnaaneq

Inuit suliffeqarfiillu pillugit paasissutissanik (= immikkuualuttut pillugit paasissutissanik) Naatsorsueqqissaartarfiup ingerlatitseqqiisarnera inuk pillugu paasissutissanut inatsimmit aamma kisitsosit pillugit paasissutissiarneq pillugu inatsimmit killilersorneqarpoq, taakkunani inuit ataasiakkaat suliffeqarfilluunniit ataasiakkaat pillugit paasissutissat allanullu ingerlateqqinneqartussaanngitsut Naatsorsueqqissaartarfiup tigusartagai aalajangersarneqarlutik.

Allaganngorlugu isumaqatigiissuteqarnikkut inuit Naatsorsueqqissaartarfimmi sulisunngitsut Naatsorsueqqissaartarfimmi kinaassusii isertupajaarlugit paasissutissat tunngavigalugit tabeliliorsimapput nalilersuisinnaallutillu. Paasissutissan kinaassutsit isertupajaarnerat isumaqarpoq inuit normui, najugaqarfii allallu inuit kinaassusiinik takutitsisinnaasut tulleriaarlugit normunik taarserneqarnerat imaluunniit peerneqarnerat. Kinaasussaat isertupajaarlugit paasisstissat imaattariaqanngilaq kinaassusaat isertuulluinnarneqartoq, tassa paasissutissanik ilaatigut allatigut kinaassutsinik paasinninnikkut inuit ataasiakkaat pillugit paasissutissat pissarsiarineqarsinnaasarmata. Assersuutigalugu inuup ukioqassusia, ilinniagaqarnera, katissimanera katissimannginneraluunniit, meeraasa amerlassusaat, najugaa il.il. pillugit paasissutissat tunngavigalugit inuup isertitai pillugit paasissutissat eqqoriarneqarsinnaammata – pingaartumik inuit sumiiffimmi agquaqtigiissillugu isertitarineqartartuniit qaffasinnerusunik isertitallitit pillugit.

Ilisimatusarnermut (forskningsserver) inatsisisanillu piareersaanermut (lovmodelserver) atatillugu kinaassusaat isertupajaarlugit paasissutissanik Naatsorsueqqissaarnermi inatsit malillugu aamma paasissutissanik isertuussinisamik malittarisassat malillugit pissarsisoqarsinnaavoq, datanik atuinissamut piumasaqaatit Naatsorsueqqissaartarfiup datanik isertuusinermut iliuuserisartagaanut tunngasumi tamakkiinerusumik atuarneqarsinnaapput. Kinaassusaat isertupajaarlugit immikkuualuttunngorlugit paasissutissat Naatsorsueqqissaartarfiup serveriatigut avataanit pissarsiarineqarsinnaapput. Interneti aqqu-tigalugu immikkullu piumasaqaatit malillugit internetikkut nammineq sulifigisamiit paasissutissanik pissarsisoqarsinnaavoq. Piumasaqaatit ilaat tassavoq tabelinik suliarineqartunik tamassumalu kingorna Naatsorsueqqissaartarfiup serverianit aaneqartunik Naatsorsueqqissaartarfiup nakkutiginninnissa.

2.8 Oqaatsit

Nittartakkamik atuisut 20 procentii Nunanit Kalaallit Nunaata Danmarkillu avataaneersuupput. Taamatut amerlatignerisa paasinarsisippaa Naatsorsueqqissaartarfiup suliai nunani allani aamma annertuumik soqutigineqartut. 2019

aallarnerfigalugu Kalaallit Nunaanni kisitsisit kalaallisut, qallunaatut tuluttullu saqqummersinneqartalerput, kisitsisaataasivimmilu tabelit aamma tuluttut aamma saqqummersinneqartarput, qularnanngilarli tuluttut amerlanerusunik saqqummersitsisarnissaq pisariaqartinneqartoq.

Kalaallisut taaguutit nutserinermiit nutserinermut pilersinneqartarmata kisitsisitigut paasissutissanik kalaallisut nutserisartut atuartartullu unammilligasaqartarput. Oqaaseqatigiinni danskisut taaguutit kalaallisut nutserneqarsinnaasарput oqaaseqatigiillu assiguit assigiinngitsunik nutserneqarsinnaasarlutik. Ajornartorsiuq aaqqiiviginiarlugu kisitsisitigut paasissutissanit assigiinngitsunut taaguutit katarsorlugit kalaallisut taaguutit assigiissarnerat Naatsorsueqqissaartarfiup aallartinnikuua. Taaguutit Naatsorsueqqissaartarfiup katersugai oqaasileriffiup qarasaasiami nalunaarsuvianut piffissap ingerlanerani ilangunneqassapput.

2.9 Kalaallit Nunaanni kisitsisit

2018-imi Ukiumoortumik Kisitsisitigut Paasissutissat aamma Greenland in Figures (Kalaallit Nunaanni kisitsisit) ataatsimoortillugit suliarineqarput. Kalaallit Nunaanni kisitsisinut ilanngunneqassapput tabelit arlalissuit oqaatsit pingasut atorlugit nassuaatitallit, nassuaataat nittartakkamut aamma ilanngunneqarsinnaapput.

Saqqumersinneqartartut amerliartortillugit, Ukiumoortumik Kisitsisitigut Paasissutissat tabelinik katersivittut suliarineqarnissaanut, nutsigassat ikilisinniarneqarnerat pissutaavoq. Naatsorsueqqissaartarfimmit aamma nalinerneqarpoq ullutsinni atuisut inuiaqatigiinnut tunngasunik paasissutissanik pissarsiaqarsinnaalluartut ass. uku aqqutigalugit; www.sullissivik.gl, www.peqqik.gl, www.aka.gl, www.asiaq.gl allanilu.

2019-imi Greenland in Figures kalaallisut (Kalaallit Nunaanni kisitsisit) qallunaatullu (Grønland i tal) saqqummersinneqartalerput. Kalaallit Nunaanni kisitsisini allassimasut nittartakkami atorneqarsinnaanissaat immikkut anguniarneqarpoq.

2.10 Misissuinernit aamma kisitsisitigut paasissutissaliornerni pissarsiviit allat

Allaffisornermi nalunaarsuiffinniit inunnnullu aamma suliffeqarfinnut tunngasunik misissuinerni tigusilluni nunani ataasiakkaani naatsorsueqqissaartarfiit kisitsisitigut paasissutissaliornermik tunngaveqartarnertik ileqqoraat. Kisiannilni Naatsorsueqqissaartarfiup allaffisornermi nalunaarsuiffiit kisiisa atortarpai. Paasissutissat annertuut nunarsuarmi isiginiarneqartarisa ilaatut nunarsuup sinnerani kisitsisitigut paasissutissiinerni pissarsiviit allat naatsorsueqqissaartarfiit atortalernikuuaat.

Naatsorsueqqissaartarfimmit misissuinerit tunngavigalugit ingerlaavartunik kisitsisitigut paasissutissiortalernianngilaq. Taamaakkaluartoq ilisimatusartunut allanillu, misissuinnisanut aamma kisitsisinik aallernissanut siunnersorneqarnissanut unissimasunik aamma naatsorsuinernik itisiliinerni assigiinngitsuni pisariaqartinneqartapoq Naatsorsueqqissaartarfimmit ikiorneqarnissaq. Aallaqqaasiutigalugu Naatsorsueqqissaartarfiup nittartagaanut misissuinermi ilitsersuutinik ilanngussisoqarnissaa pilersaarutaavoq.

Naatsorsueqqissaartarfiup paasissutissanik pissarsivinnik allanik atuisarnermi misilittakkat ukiuni aggersuni annertusarniarpai. Nioqqtissanik ataasiakkaanik tunisinerit pisiniarfinni strekodet atorlugit nalunaarsorneqartarnerat assersuutigalugu atuisunut akit assigiinngiaarnerannik takussutissiat pitsangortinnissaannut tapersiisinnaavoq, oqarasuaatinillu atuinerit pillugit paasisutissat nunami allamiut Kalaallit Nunaannut tikeraartut agguataarnerisa misingererinut atorneqarsinnaallutik nunalu tamakkerlugu naatsorsuutini atuisut atuinerisa misissuiffigisarneri ilaatigut taarserneqarsinnaallutik. Paasissutissanik pissarsivinnik allanik misileraaneq sapinngisamik suleqatit naleqquttut suleqatigalugit pisassaaq kisitsisitigut paasissutissiarneq pillugu inatsisaalersinnaasumut atugassanik misilittagaqalernermut atorneqarsinnaallutik.

2.11 Nunani tamalaani suliniaqatigiiffinnut paasissutissanik tunniussiarneq

FN-ip piujaannartitsiniarluni anguniagai ukiuni tulliuttuni sammineqangaatsiartussaapput. FN-imit piujaannartitsiniarneq pillugu 17-inik anguniagaqarput taakkulu ataani 169-it anguniakkat 232-llu erseqqissaassutissat allat aamma anguniarneqarlutik. Tassunga tunngatillugu Kalaallit Nunaata akisussaaffigisai Aningaasaqarnermut Akileraartarnermullu Naalakkersuisoqarfiup ataaniittumi Nuna tamakkerlugu pilersaarusiortarnermut immikkoortortaqarfimmi inissisimapput.

SDG-ip erseqqissaassutaanut tunngatillugu Naatsorsueqqissaartarfimmit suliarineqartussat suli inissinneqanngillat. Suliassanut pilersaarusiaq Naalakkersuisunit suliarineqartussaq akuerneqaqqaartussaavoq, tassungalu ilaassaaq Naatsorsueqqissaartarfiup suliassai.

Naatsorsueqqissaartarfimmit maanna ilimagineqarpoq erseqqissaassutissat kisitsisaataasivimmut aaneqarsinnaanngornissaat ilimagineqarpoq, kisitsisaataasivimiittut atorlugit Aningaasaqarnermut Naalakkersuisoqarfiup nittartagassaanut API atorlugu nuunneqartarsinnaassapput. Taakku saniatigut aamma kisitsisitigut paasissutissanik allanik ilaterisoqarsinnaavoq, Danmarkimi aningaasaqarnermut inatsimmit aningaasaliiffingineqarlutik.

Danmark Statistikkinut FN-ip Nunarsuarmi anguniagai pillugit Naatsorsueqqissaartarfimmik suleqateqarnissaq siunertalarlugu aningaasaliissutit 2019-imi 2022-mut 4 mio. kr.-imik qaffanneqarput. Tamanna tunngavigalugu Danmark Statistikip piumasaqaatigaa pilersaarut aningaasat sinneruttut 3.5 mio. kr.-inik annertussuseqartut atorneqarnissaat eqqarsaatigalugit.

2.12 FN-p nunarsuarmi anguniagai

Nunarsuarmi piujuartitsinissaq pillugu FN anguniagassanik 17-inik atuutiler-sitsinikuovoq, nunat FN-imut ilaasortat akuersaarlutik anguniarniarlugit isumaqatigiissutigisaannik. Naatsorsueqqissaartarfiup kisitsisitigut paasissutissiat atorlugit Kalaallit Nunaanni anguniagaqarneq malinnaaffigaa. Kisitsisitigut paasissutissiat tunngavigalugit takuneqarsinnaavoq Kalaallit Nunaata anguniakkanut malinnaanera eqqortumik ingerlanersoq aamma qanoq sukcatigisumik malinnaanersoq.

Naatsorsueqqissaartarfiup nunarsuarmi anguniakkanut tunngatillugu suliassai aaliangersimasumik suli inissinneqanngillat. Ungasinnerusoq eqqarsaatigalugu

Naatsorsueqqissaartarfiup suliassanik tulleriaiarilluni pilersaarutissa, aatsaat Naalakkersuisut Naatsorsueqqissaartarfiup nunarsuaq tamakkerlugu anguniakkanik 17-inik suliassaasa tulleriaarneri pilersaarusrusiornerillu atuutilersipatigit, pilersaarusrusiaq atuutilersinnaavoq. Naalakkersuisut, Naatsorsueqqissaartarfiup nunarsuarmi anguniagassat malinnaavagineqartussat eqqarsaatigalugit suliassanik, pilersaarusrusioererpata, Naatsorsueqqissaartarfimmit kisitsisitigt paasissutissiat pingaarnersiorneqarsimasut allanngortittariaanersut nalilersorneqassapput.

FN-imut nunarsuarmi tamani uuttuutit atorneqartussat 200-t sinnillit toqarneqarsimapput, taakku tunngavigalugit nunarsuarmi anguniakkat malinnaaviginiarlugit kisitsisitigt paasissutissiortoqartussaavoq. Nunarsuarmi tamarmi uuttuutit ilaarpasuit Kalaallit Nunaanni atussallugit tulluanngillat, imalluunniit kisitsisitigt paasissutissiornermi atortussat pissarsiarineqarsinnaanngillat. Ilaatigut FN-imut uuttuutit ilarpasuinut periutsit inissinneqarsimannngillat, uuttuutit ilaat kisitsisitigt paasissutissiornermk tunngaveqanngillat, taakku nunat inatsisaanik tunngaveqartumik nalunaarusiorneqartarput (ass. naligiissitaanermut tunngasut). Naatsorsueqqissaartarfimmut aningaasiiliissutigineqarsimasut Kalaallit Nunaannut tunngasunik kisitsisitigt paasissutissanik ineriartortitsinissamut atorneqarnissaat suli tunngavigineqarpoq.

Piffissap ingerlanerani Naatsorsueqqissaartarfimmit nunarsuarmi uuttuutit suliarineqartarnissaat anguniarneqarpoq, kisianni pingaernerutinneqarluni Kalaallit Nunaannut uuttuutit suliarineqarnissaat. Kalaallit Nunaannut uuttuutit suliarineqarnerisigt malinnaavagineqarsinnaavoq nunarsuarmi anguniakkat eqqarsaatigalugit Kalaallit Nunaanni sumut killittoqarsimanera. Taa-maasilluni allaffissornikkut aningaasartuutit annikinnerussapput, Kalaallillu Nunaannut attuumassuteqartut immikkut sammineqarnerussallutik. Kalaallit Nunaanni uuttuutit suliarinerinut ajoquaasinnaavoq Kalaallit Nunaata nunan-nut allanut sanilliukkuminaasinnaanera.

Naatsorsueqqissaartarfik nunarsuarmi kisitsisitigt paasissutissiorfinnut allan-nut sanilliullugu mikinerujussuugami periarfissaqanngilaq nunarsuarmi anguniakkat ineriartorneri tamaasa malinnaavigissallugit, aamma FN-imut taakku pillugit pinerit tamaasa nalunaarusiornissamut periarfissaqanngilaq.

Naatsorsueqqissaartarfimmit nunarsuarmi anguniakkanut uuttuutit qitiutillugit takusassiarineqarput, taakku naatsorsueqqissaartarfiup nittartagaani, www.stat.gl-imi takuneqarsinnaapput. Takusassiat nunarsuarmi aamma Kalaallit Nunaanni uuttuutit piusut pissarsiareriaannanngorlugit suliaapput, taakkulu Naatsorsueqqissaartarfimmit suliaapput imaluunniit Naatsorsueqqissaartarfiup kisitsisaataasiviatiqut siammartigaallutik. Nittartakkami takus-sutissiaq atorlugu nunarsuarmi anguniakkanik suliaqarniartut tamarmik anguniarneqarput. Naalakkersuisut. Taamaasillutik kommunit, suliffeqarfiit peqatigiiffigt il.il. suliassanut pilersaarusrusiornerminni uuttuutit sulianut tulluart atorsinnaavaat.

Naatsorsueqqissaartarfimmit, ass. kisitsisitigt paasissutissat pigineqareersut atorlugit aamma kisitsisitigt paasissutissiassat pilersaarutigineqartut ator-lugit uuttuutit SDG-mut tunngasut amerliartortinneqarnissaat, suliniutigineqarpoq. Uuttuutit amerlisinneqarnissaanut periutsit ataani allanneqartut tunngavigalugit ineriartortitsinissaq aamma suliniutigineqarpoq.

Immikkut suliniuteqarfigineqarniarpot suliniuteqarfigineqartut ikittuinnarnik uuttorneqarsinnaasut imaluunniit uuttorneqarsinnaanngitsut. Avatangiisit

eqqarsaatigalugit siulliullugit suliarineqarniarput, aalisarnermi piujuartitsinis-saq pillugu uuttuutit aamma eqqakkanik isumaginninnernut uuttuutit.

Paasissutissat suliareqqitassat amerlanerpaartaat pisortaqarfinni allaffissornernit Naatsorsueqqissaartarfimmit pissarsiarineqartarput. Taamaattumik IT-mi periusissiat atorluarnerunissaat maannalu IT atorlugu suliaareersut atorneqarneq ajortut atorneqartalernissaat immikkut pingaartinneqarluni sammineqassaaq. Inunnik isumaginninneq eqqarsaatigalugu maanna suliat meeqlanut tunngasut immikkut aaqqissuunneqartussaapput, kingusinnerusukkut meeqqanuunaanngitsoq sulianut tunngasut taamatut aaqqinnejartussaallutik. Aaqqissuussinerup kingunerisaanik isumaginninnermik suliaqartunut, nalunaarusiat allanullu inissiisariaqarsimappat allanut inissiinerit, malinnaaviginissaat ajornanningerulissaaq. Pinerluuteqartartut eqqarsaatigalugit misissorneqassaaq, paasissutissat pigineqareersut atorlugit, pinerlineqarsimasunut kisisititugt paasissutissanik suliaqartoqartalersinnaanersoq.

Naalakkersuisut suliat assersuutigalugit nalunaarusiaat aamma inatsisiaat nutaat tunngavigalugit kisisititugt paasissutissiortoqarsinnaasarpooq. Assersuutigalugu meeqlat atugarliortut pillugit kalaallit qallunaallu ataatsimoorus-samik uuttuutit suliat nunarsuarmi anguniakkanut aammattaaq atoqqinneqarsinnaalluarput.

Kalaallit Nunaanni aningaasaqarnermik sukumiisumik misissuisarnerit qaffasarusullugit, inuussutissarsiornermut kisisititugt qitiusumik paasissutissat aamma aningaasaqarneq pillugu kisisititugt qitiusumik paasissutissat pitsaassusaat qaffassarneqarlutik iluarsaannejqarput. DREAM-imik (ningaasaqarnermut modellit) suleqatigilluni suliaqarnermi aamma sukumiisumik itisiliilluni misissuisinnaanissamut aalisarneq pillugu ataatsimiitsitaliarsuup kisaatai malillugit, kisisititugt paasissutissat pineqartut pitsaassusaasa qaffassarneqarnissaat avaqqunnejqarsinnaanngillat. Nunarsuarmi anguniakkat 17-ilusut pilersaarutinut ilanngullugit suliarineqarput, nunarsuarmi anguniakkani paasissutissat suliniutinut assigiinngitsunut allanut taputartuunnejqarsinnaanissaat pingaartinneqarmat.

Ataani allattorsimapput uuttuitit, qulaani periutsit allaaserineqartut tunngavigalugit, ineriarortinneqartut:

- SDG 3: Peqqissuseq atugarissaarnerlu
Napparsimmavinni ullan unnuiffiit
Inuit innarluutillit
- SDG 9: Suliffissuit, nutaaliorneq attaveqaasersuutillu
Internetimut sukkasuumik attavillit pct.-inngorlugit annertus-susaat najugaqarfinnut immikkoortillugit
- SDG 10: Naligiinnginneq minnerusoq
Soraarnerussutisiat pillugit kisitsisitigut paassisutissat
- SDG 11: Inoqarfiiq piujuartitsifiisut
Eqqaavinnit isumaginninneq najugaqarfinnut immikkoortillugit
- SDG 14: Imaani uumassusillit
Akuutissartaqanngitsunik piujuartitsilluni aalisarneq aamma piniarneq
- SDG 16: Eqqissineq, naapertuilluarneq sullissiviillu qajannaatsut
Meeqqanik allanut inissiisarneq aamma nalunaarutiginnittarneq Pinerlineqarsimasut
- SDG 17: Suleqatigiinnikkut anguniagaqarneq -ataqatigiissumik isigalugu sukumiisumik misissuisinnaaneq
Suliffeqarfinnik selskabenik taaneqartartunik pisortat aningaasar-qarnerannut ilangussineq
Pisiat tunisallu oqimaaqtigisiinnerat
Aalisarneq pillugu naatsorsuusiat itinerusut

3 Immikkoortut kisitsisit paassisutissat ataasiakkaat

3.1 Siulersuisut pingaarnersiuinerannut tunuliaqutit

Nunani mikinerusuni Kalaallit Nunaattut ittuni kisitsisitigut paassisutissiinerit akisungaatsiarput. Innuttaasut ikittut aallaavigalugit kisitsisitigut paassisutissat suliarineqartalaruwartut kisitsisitigut paassisutissaliornermi aningaasartuit innuttaasut amerlassusaat tunngavigalugu ikilisinneqarsinnaanngillat. Immikkoortunik kisitsisitigut paassisutissanik Naatsorsueqqissaartarfimmi siulersuisut tulleriinnilersuissagaangata immikkoortut kisitsisitigut paassisutissat sukumiisumik tulleriinnilersornissaat pisariaqarpoq.

Siulersuisut pingaarnersiuineranni immikkoortunik nutaanik ilassutaasunil-luunniit kisitsisitigut paassisutissaliornissamik kissaateqarfiusuni kisitsisitigut paassisutissanik nutaanik pilersitsifiusinnaasuni nalunaarsuinerit pigineqa-reernersut nalinginnaasumik aallaaviusarpoq. Nalunaarsuinerit IT-milu atortut pioreersut aallaavigineqarsinnaanngikkaangata kisitsisitigut paassisutissanut nutaanut aallaaviusussanik peqalernissamut ukiut arlalissuit ingerlasinna-sarput.

3.2 Ukiuni tulliuttuni qaninnerni ineriarornerit

Ukiuni kingullerni ukiulluunniit aggersut arlallit ingerlaneranni kisitsisitigut paassisutissat saqqummersitassatut pilersaarutinut ilanngunneqarnissaat siunertaralugu immikkoortuni ataani allaaserineqartuni ineriarornerit siulersuisut tulleriinnilersorpaat.

Maannakkut aningaasaliissutaasut iluanni maannakkullu sulisoqarneq tunngavigalu ineriertortitsinermi suliniutit tamarmik ingerlanneqarsinnaannginnerat eqquumaffigissallugu pingaaruteqarpoq, tak. ataani immikkoortut 5 aamma 7. Suliniutit ineriertortitsinermut tunngasut arlalissuit taamaallaat IT-mik ineriertortitsisoqarpat aamma suliffeqarfinnik allanik suleqateqarnikkut suliarineqarsinnaapput. Misilitakkat tunngavialugit suliat ilaat kinguaattoornissaat ilimanarpooq, taamaattumik tamakkiisumik suliassanik allattukkanik tunngaveqarneq tulluartuulluni.

3.3 Pisortat aningaasaqarnerat

Naatsorsueqqissaartarfiup suliarisartagaa, pisortat aningaasaqarnerat annertusineqassaaq tassunga selskabit ilanngunneqarniarmata.

Maanna suliarineqartarpooq pisortat aningaasaqarnerat aamma kiffartuussinerat kisimik saqqummiunneqartarpooq. Selskabit ilaannginnerat pissutaalluni pisortatigoortumik inissiat, mittarifiit, nukissiorfiit allallu ilanngunneqarneq kisitsisitigut paasissutissanut ajorput. Pisortat aningaasaqarnerannik aamma sullissinerannik sinneqartoortut pillugit kukkulluni isumaqartoqarpat, piviusumik pisortat aningaasaqarnerat ajunginnerujussuarmik inissismassaaq. Pisortat selskabiutaanik ilanngussineq pisortat aningaasaqarnerannik tamakkiinerusumik takutitsissaaq.

3.4 Peqqinneq

Danmark Statistikip suliarisartagaanut napparsimaviit atorneqarnerinut tunngasunut assingusunik paasissutissortalernissaq pilersaarusrorseqassaaq. Kisitsisitigut paasissutissani pineqartumi aallarniutit assersuutigalugu saqqummiunneqarniarpooq makku; napparsimavimmikunnaartut, immikkoortoqarfiit, napparsimalluni unnuinerit amerlassusaat, napparsimasup ukiui aamma suaassusaa taakku Kalaallit Nunaanni napparsimmavinneersuupput. Ungasinnerusoq eqqarsaatigalugu anguniarneqarpoq nakorsiernerit amerlassusaat, napparsimavimmikunnaartut peqqissusaanik nalunaernerit aamma Kalaallit Nunaata avataani pisunut tunngasunik ilanngussisalernissaq, kisianni paasissutissat taakkununnga tunngasut suli tamakkiisuunngillat. Napparsimavinnik atuisunut paasissutissat makkuninnga ilaartorneqarsinnaapput; inuiaqtigiinni aningaasaqarnikkut inissismaneq, ass. ilinniarsimassuseq, iseritat, suliffigisat ilaqtariinnermilu qanoq inissismaneq.

Naatsorsueqqissaartarfimmit aamma suliniutigineqarpoq ilisimatusartunut peqqissutsimut kisitsisitigut paasissutissat atorneqarsinnaasut assigiinngitsut amerlisinissaat kiisalu Innuttaasut peqqissusaanik misissuinerit inernerri kisitsisaataasivimmilernissaat.

3.5 Pisortaqarfinni aningaasarsiat

Naatsorsueqqissaartarfiup Namminersorlutik Oqartussani Isumaqtigiissutit pillugit immikkoortortaqarfik oqaloqatigaa pisortaqarfinni sulisut aningaasarsiaasa kisitsisitigut paasissutissiorneqarsinnaanerat misissorlugu. Kisitsisitigut paasissutissat isumaqtiginninniartunit isumaqtiginninniernermeri atortarsinnaasavaat tamanullu soqutiginarsinnaassalluni. DJØF aamma SIK aqqutigalugu atorfillaq siulliullugit suliarineqassapput, siulliit suliarineqareerpata inerisarlugit suliareqqinnejassanersut naliliiffiqineqarumaarpooq.

3.6 Suliffeqarneq

Isertitat pillugit kisitsisitigut paasissutissiornermi iluarsaassisoqarnerata kinguneranik sulisinnaasut pillugit kisitsisitigut paasissutissat iluarsaaneeqarlutik aallartippuit. Sulisinnaasut pillugit kisitsisitigut paasissutissani immikkut namminersortut aamma meerartaarnermi sulinngiffeqartoq qanoq inissisimaneri misissuiffigineqassapput.

Akissarsiallit aamma namminersortut, pisortaqarfinnilu assiginngitsuni sulifillit immikkoortiterlugin suliffeqarneq pillugu kisitsisitigut paasissutissanut takussutissiarineqartalernissat Naatsorsueqqissaartarfimmit aamma suliarineqarpoq. Aamma Kalaallit Nunaanni najugaqaviningitsut suliffisa nalunaarsornissaat suliniutigineqarpoq.

Naatsorsuutini suliffeqarneq pillugu kisitsisitigut paasissutissat, pisortaqarfinni atorfillit aamma nuna tamakkerlugu naatsorsuutini suliffeqarfiit eqqarsaatigalugit ataqtigissaarneqassapput, taamaasilluni nalunaarsuinermi ajornanginnerusumik imminut ataqtigissaarneqarsinnaalissapput. Taakku saniatigut ukioqqortussutsit, najugaqarfiit allallu saqqummersinneqartartuni pineqartuni ataqtigissaarneqassapput.

3.7 Innuttaasut pillugit kisitsisitigut paasissutissat

Naatsorsueqqissaartarfimmit 2020 aallarnerfigalugu innuttaasut allattorsimaffiannit aallersinnaanissaq nalinginnaasoq annertusineqarpoq, paasissutissanik immikkoorsiterivimmik nutarterinikkut. Taamatut pisoqarnerata kingunerasanik kvartaalikkaarlugit innuttaasunut paasissutissat makkuusut; 2018-ip kingorna katittut, avittut. Meeravissiartaarnermut paasissutissat aamma pisarsiarineqartalerput, kisianni taakku ikippallaarmata qanoq saqqummersinneqartarnissaat nalornissutigineqarpoq.

Ukiuni tulliuttuni najugaqarfinnut, assersuutigalugu toqusarnernut aamma meeqqiornernut tunngasut, naleqfersuutinut periutsinut paasissutissat annertunerusumik iluarsaaneqassapput. Inuutaasut amerlassusissaanut tamanna iluaqutaasaaq, taakku najugaqarfinni naleqfersuutinut paasissutissat tunngavigalugit suliaammata.

3.8 Meeqqat angerlarsimaffiup avataani inissinneqartut

Meeqqat angerlarsimaffiup avataani inissinneqartut pillugit kisitsisitigut paasissutissaliornissaq siunertaavoq.

Meeqqat inuuusuttullu paaqqinnittarfianni najugaqartut aamma ilaqtariit paarsisartut pillugit kisitsisitigut paasissutissat Naatsorsueqqissaartarfimmit suliarineqartalerput. Kommunini paaqqinnittarfinni najugaqartut, inunnit paaqqinnittarfinni pigineqartuni najugaqartut, ilaqtariinilu suliffagalugu najugaqartut ilanngullugit suliarineqartalissapput. Taakkununnga allaffisornermi aqtsierni aningasaqarnikkut paasissutissat najoqqutarineqartalerput, taakkununnga ilaapput Meeqqat inuuusutuaqqallu pillugit ESDH atorlugu suliat. ESDH Kommuneqarfik Sermersuummi atorneqarpoq 2022-milu kommunit sinnerinut atuutilerneqartussaalluni. EDSH atorlugu nalunaarutiginninnerit paasisstissartaat atorlugit qanoq amerlatiginerinik nalunaarsuisoqarsinnaanersoq misissorneqassaaq.

3.9 Innarluutillit

2020-mi Naalakkersuisut innarluutillit pillugit paasissutissiornerannut tunngatillugu Naatsorsueqqissaartarfik paasissutissanik pissarsivoq paasissutissallu inunnut innarluutilinnut tunngasut assigiinngitsut iluarsaallugit. Paasissutissat innarluutilinnut tunngasut kommuninit nalunaarsugaapput, innarluutillit pillugit inatsisit malillugit kommuninut tunniussaallutik. Taakku kisitsisaatasivimmut tabeliliaralugit saqqummersinneqarput, suliarineranullu periutsit allaaserineqarlutik.

Naatsorsueqqissaartarfip Naalakkersuisut oqaloqatigaat inuit innarluutillit pillugit paasissutissanik katersisarnissamik, ukiumoortumik saqqummersitsisalernissaq eqqarsaatigalugu. Takorluukkat ilagaat innarluutit suuneri tunngavigalugit ikorsiissutigineqartartut nalunaarsorsinnaanngornissaat.

3.10 Takornariaqarneq

Naatsorsueqqissaartarfik nunanut allanut angalasut, umiarsuarnut takornariartaatinut ilaasut aamma akunnittarfinni unnuisartut pillugit kisitsisitigut paasissutissiortarpoq.

Akunnittarfinni unnuisartut pillugit paasissutissiornermut periutsip allaaserineqarnera pitsanggorsarneqassaaq, unnuisarfiit ilanngunneqartartut qanoq ittuuneri tassani allaaserineqarnissaat eqqarsaatigineqarluni. Akunnittarfiit (hotel) aamma vandrehjemmet qanoq immikkoortinneqartarnersut nassuiarneqassaaq aamma unnuisarfiit (indkvartering) qanoq ittuuneri nassuiarneqassallutik. Taakkulu kisitsisitigut paasissutissiornermi unnuisarfinnut allanut sanilliullugit qanoq annertutiginersut immikkut nalunaarsorneqassallutik.

Takornariaqarnermik inuussutissarsiortut suleqatigalugit Naatsorsueqqissaartarfik unnuisarfinnik nutaanik ilisimasaqartalernissaata, unnuisarfiit amma-raangata, qulakkeerneqarnissaa suliniutaavoq.

Kalaallit Nunaata iluani timmisartumik umiarsuarnillu angallannermi kisitsisit saqqummersinneqarsinnaaneri misissorneqassaaq. Saqqummersitsineq taa-mallaat pisinnaassaaq kisitsisitigut paasissutissiornermi inatsit, tassa suliffeqarfinnik ataasiakkaanik ilisarinnissinnaannginnissaq, equuutinneqarpat.

3.11 Avammut tunisat eqquussukkallu nalingisa oqimaaqatigiissinnerat aamma nunanik allanik niueqateqarneq

Naatsorsueqqissaartarfip nunanik allanik niueqateqarneq saqqummersittarpaa, tassani avammut tunisinerit aamma Kalaallit Nunaannut tunisinerit pine-qartarput. Avammut tunisat eqquussukkallu nalingisa oqimaaqatigiissinnerat, nunanik allanik niueqateqarnermik aamma Kalaallit Nunaata nunallu allat akornanni aningaasaqarnerannik imaqassaaq, assersuutitalugu kiffartuussinnerik niuerneq, nunanit allanik aningaasanik atorneq, erniat akilikkat, nunanit allanit Kalaallit Nunaannut aningaasaliinerit, killormullu Kalaallit Nunaata nunanut allanut aningaasalinera, nunani allani utoqqalinersiassanut ileqqaernerit il.il. Aningaasaqarnermi pingaarutilinnut ass. BNI-mi atoriaannaat, avammut tunisat eqquussukkallu nalingisa oqimaaqatigiissinnerat ator-lugu naatsorsorneqarsinnaalissapput. BNI atoriaannaat Kalaallit Nunaanni inuunermi atukkat pitsaassusaasa uuttuutaatut pitsaanerpaatut nalilerneqar-

tarpoq, nunat allat inuunermi atukkanut sanilliussinermi BNP-mit pitsaane-rulluni. Nunanit allanit aningaasaliissutit, ass. bloktiskudit aamma EU-mit ilinniartitaanermut tapit nalingisa, Kalaallit Nunaanni BNP-mut ilanngunne-qarneq ajornerat.

Avammut tunisat eqqussukkallu nalingisa oqimaaqtigiissinnerata suliarine-qarnissaa nunarsuarmi anguniakkanut aningaasaliissutinit ilaatigut akilerne-qarsinnaassaaq. Naatsorsueqqissaartarfimmit paasissutissat assigiinngitsut avammut tunisat eqqussukkallu nalingisa oqimaaqtigiissinnerannut atugassat piffissaq sivisooq atorlugu katersorneqarnikuupput, taakkuli nalilersorneqar-nissaanut, kukkunersiorneqarnissaanut paasissutissanillu allanik katersinis-samut ikiorneqarnissaq amigaatigineqarpoq, taamaasilluni nunani tamalaani periuseq atorneqartartoq anguneqassammat.

Kalaallit Nunaata nunanik allanik niueqateqarnera ukiuni kingullerni allan-ngerpoq. Siusinnerusukkut nunanik allanik niueqateqarneq Ålborg aqqutiga-lugu ingerlanneqartarsimagaluarpoq. Maanna assigiinngitsut aqqutigalugit niuerneq ingerlanneqartalersimavoq; internet atorlugu, umiarsuarnik Kalaallit Nunaata pisassaanik aalisartunik attartornikkut nunanilu allani tulaassisartuni il.il.

Suliffeqarfiiit aalisarnermik suliaqartut angisuut Kalaallit Nunaanni aamma Danmarkimi suliaqarput. Nioqqtissanik niuerneq taamaasilluni annertooq suliffeqarfiiit aalisarnermik suliaqartut iluini pisarpoq, tassa nioqqtissat suliffeqarfiiup iluani nuunneqartarlutik, suliffeqarfimmit allamut akigineqan-ginnerminni. Taamaattoqarnera avammut tunisinermut akinut aamma nuna-mut akeqarfimmut nalorninartorsiortitsisarpoq.

Avammut tunisat eqqussukkallu nalingisa oqimaaqtigiissinneranik suliaqar-nermi nunanik allanik niueqateqarneq pillugu kisitsisitigut paasissutissior-tarneq iluarsaaniarneqarpoq nalunaarsuutinullu najoqqtat tassunga ator-neqartartut ilangullugit misissorneqassallutik.

3.12 Suliffissarsiortut

Suliffissarsiortut naatsorsornissaannut atatillugu ajornartorsiut tassaavoq ataavartumik naqitsittarnissamut piumasaqaatit eqqarsaatigalugit kommunit assigiinngiaartunik allanngorartunillu periuseqartarnerat.

Kommunit assigiaarnerusumik nalunaarsuisalernissaat anguniarlugu, suliffis-sarsiortut aamma isumaginninnermit isertitat ataaitsimoortinnejartalersinnaa-lernissaat Naatsorsueqqissaartarfimmit misissorneqarniarpoq. Suliffissar-siortut aamma sivisuumik napparsimallutik suliffissarsiortut immikkoortik-kuminarnerulernissaat, tunniunneqartartut pilligit nutaamik periuseqalernis-saanut suliaq atorneqarsinnaaneruvoq.

3.13 Paasissutissat assigiinngitsut tunngavigalugit innuttaasunik naatsorsuinerit

DREAM naalagaaffimmi suliffeqarfiuvoq namminersortoq. DREAM atorlugu innuttaasunut paasissutissat assigiinngitsut tunngavigalugit innuttaasunik kisitsisitigut paasissutissat assigiinngitsut ineriaartortinnejarlutik suliarine-qarput. Innuttaasut innuttaasut allattorsimaffianni nalunaarsorsimasut tamar-

mik suliffeqarfinnut immikkoortiterneqarsimapput. Aningaasaqarnerup pata-jaassusaa (holdbarhedsmodel) eqqarsaatigalugu nuna tamakkerlugu naatsor-suutini misisueqqissaarnermi atortut periutsillu DREAM-ip Kalaallit Nunaanni atugassanngorlugit ineriartortitsinermini suliffeqarnermi kisitsisitigut paasis-sutissanik suliaqarluni suliarai.

Innuttaasut assersuutigalugu ima suliffeqarfinnut agguataarneqarput;

- Suliffilit immikkut nalunaarutigineqarsimanngitsut
- Ilinniartut ilinniagaqarnermussusiallit suliffilit
- Inuit ernereernermermi ikorsiissutisisartut
- Piffissap ilaa suliffeqartut, suliffeqannngikkallarnermi ikorsiissutit
- Suliffissaaleqisut, suliffeqannngikkallarnermi ikorsiissutit
- Suliffissaaleqisut, Majoriaq
- Ilinniartut ilinniagaqarnermusineq ajortut
- Allat suliffeqarfiiit avataaniittut

Naatsorsueqqissaartarfik ilaqtariit aningaasaqarnerat tunngavigalugu kisitsi-sitigut paasissutissanik saqqummersitsisalersinnaassaaq.

Kisitsisitigut paasissutissiaq immini soqutiginartuuvoq ilaatigullu Aningaasa-qarnermut Siunnersuisoqatigiit atasinnaassutsimik naatsorsuinerannut ator-neqarsinnaassalluni.

3.14 Nuna tamakkerlugu naatsorsuutit

Nuna tamakkerlugu naatsorsuutit marloqiusangorlugit suliarineqartarpuit. Inaarutaasumik kisitsisit naatsorsorneqarnerat ukiumi pineqartumi nioq-qutissat oqimaaqtigiissillugit ukiup affaani siullermi pisarpoq. Assersuutiga-lugu 2019-imut inaarutaasumik kisitsisit naatsorsorneqarnerat 2022-mi pissaaq. Kisitsisaagallartut naatsorsorneqarnerat ukiup affaata aappaani pisarpoq, tassani 2020-mut 2021-mullu kisitsisaagallartut 2020-mi naatsor-sorneqassallutik. Nuna tamakkerlugu naatsorsuutit immikkoortuat taanna nuna tamakkerlugu naatsorsuutinik ingerlatsineruvoq nalinginnaasoq.

Ukiuni tulliuttuni Kalaallit Nunaanni piginnaasat ineriartortinneqarnissaat immikkut sammineqartussaavoq, tassani eqqarsaatigineqarlutik kisitsisinik ukiunik arlalinoortunik naatsorsueqqinnej (deflating) (akit aalajanger-simasut) aamma kisitsisaagallartunik eqqornerusumik naatsorsuineq, taamaa-silluni kisitsisiviusut saqqummiunneqarnerini allanngortiterineq annertoog pisariaarutissammat. Aalisarnermik suliallit suliffeqarfiiit naatsorsuutaat atorlugit suliffeqarfiiit aalisakkanik suliaqartut naatsorsoqqissaarneqassapput. Aamma ukioq tunngaviusoq 2010, nutaamik taarserneqassaaq.

2019-imi nuna tamakkerlugu naatsorsuutini pisortat aningaasaqarnerisa kodii atorneqartut allanngortinneqarput, nuna tamakkerlugu naatsorsuutini toq-qaannarnerusumik atorneqarsinnaalerlutik. Suliffeqarneq pillugu kisitsisitigut paasissutissat nuna tamakkerlugu naatsorsuutinit toqqaanarnerusumik ator-neqarsinnaalerlernissaat aamma suliarineqassasut naatsorsuutigineqarpoq.

Nuna tamakkerlugu naatsorsuutini ajornartorsiutaasorujussuupput sanaartor-nermut tunngasut (kvadrameterit qassit sanaartorneqarpat, qanoq akeqarpat aamma kvadrameterit qassit peerneqartarpot) aamma inigisat atorneqar-

nerinut tunngasut (kvadratmeterit qassit najugaqarfigineqarpat aamma ineqarnermut kvadratmeterimut qanoq akiliisoqartarpa).

Ineqarnermut tunngasut aamma immikkut soqutiginarput, innuttaasut ineqarnerat sanaartornermut tapiissutinut sunniuteqartorujussummat.

Naatsorsueqqissaartarfik tunngaviusumik paassisutissat sanaartornermut nalunaarusiorniarnerannut suleqataavoq. Maanna sanaartornermut nalunaarsuiffiup qanittumi atuutilernissaa ilimanangnilaq. Taamaattumik utaqqiisaagallartumik aaqqiisoqarnissaa pisariaqarsinnaavoq.

3.15 Pinerluuteqarsimasut pillugit kisitsisit

kisitsisit pineqartut assigiittussaagaluartut Naatsorsueqqissaartarfimmit pinerluuteqarsimasut pillugit kisitsisitigut paassisutissiaanni kisitsisit politiit ukiumoortumik nalunaarusiaanni kisitsisinit allaanerulaartarput. 2023-mi politiit allaanerusumik atortoqalertussaapput. Naatsorsueqqissaartarfimmit aamma politiinit isumaqatigissutigineqarpoq, paassisutissanik nutaamik aallertoqarsinnaalerpat, Naatsorsueqqissaartarfimmit aamma politiinit saqqummersinneqartussat assigiimmik suliarineqarnissaat. Kia sorliit saqqummersisaneraat isumaqatigissutigineqassaaq. Saqqummersitat ataqtiginnissaat, assigiinngikkaluarlutik siunnerfigineqarpoq. Periarfissat ilagaat politiit tunngaviusumik paassisutissanik saqqummersitsisinnaanissaat Naatsorsueqqissaartarfimmit inuit pinerluuteqarsimasut pillugit paassisutissanik ilisimatasarnermi atorneqarsinnaasut saqqummersinneqartut.

Nalilersorneqassaaq Naatsorsueqqissaartarfimmit ulorianartumik inuit pinerlineqarsimasut pillugit kisitsisitigut paassisutissiortoqarsinnaanersoq. Kisitsisit pineqartut amigaatigineqartut Naatsorsueqqissaartarfiup aamma Kalaallit Nunaanni Eqqartuussiveqarneq pillugu Siunnersuisoqatigiit oqaloqatigineranni eqqaaneqarsimavoq

Pineqaatissinneqareernerup kingorna pinerloqqittartut pillugit aamma kisitsisitigut paassisutissiortoqassanersoq nalilersorneqarpoq.

3.16 Kisitsisitigut paassisutissat ilinniarnernut tunngasut

Ilinniarnertuuungorniarneq pillugu kisitsisitigut paassisutissat suliariniarneqarput, tassani sammineqassallutik fagit sorliit qaffasissutsillu sorliit tiguneqartarnersut karakteerit pineqartartut ilanngullugit. Taakku atorlugit takuneqarsinnaalissaaq ilinniaqqifflinnut ingerlaqqifflusunut assiginngitsunut karakterit piumasaqaatasut qanoq amerlatigisunit anguneqartarnersut.

3.17 Soraarerussutisiat (ilaatigut aningaasaatit aningaasaliissutigineqartut)

Nunarsuarmi anguniakkat aqqutigalugit Danmark Statistik suleqatigalugu soraarerussutisiat pillugit kisitsisitigut paassisutissiornissaq ilaavoq. Soraarerussutisiaqalernissamut katersat assiginngisitaarneri nikingassutsit assiginngisitaarnerinut pissutaqataasinjaalluarpoq.

Pisortat soraarnerussutisiussaasa saniatigut nammineerluni katersat annertunerusumik tapertaasalertussaapput, taamaattumillu soraarnerussutisiat pillugit kisitsisitigut paasissutissaqarnissaa piukkunnartorujussuuvoq. Naatsorsuutigineqarpoq paasissutissat Nationalbankenimit pissarsiarineqartarsinnaassasut, Danmarkimillu soraarnerussutisiat pillugit kisitsisitigut paasissutisanut sanilliunneqarsinnaassasoq. Paasissutissat saniatigut pissarsiarineqartussat tassaapput Kalaallit Nunaanni soraarnerussutisiassat katersat. Aammataaq aningaasat pigisat pillugit kisitsisitigut paasissutissiortalernissamut tunngavissat naammannersut nalilersorneqassapput.

Avammut tunisat eqqussukkallu nalingisa oqimaaqtigiissinneranut aamma atajuartitsinissamut modellimut (holdbarhedsmodelet) Aningaasaqarnermut Naalakkersuisoqarfipu suliaanut DREAM-imut, nunani allani soraarnerussutisanut akiliisarnerit pigineqartullu annertussusaat, atorneqarsinnaassapput.

3.18 Aalisarneq

Naatsorsueqqissaartarfimmit aalisarneq pillugu kisitsisitigut paasissutissiassat pillugit aalisarneq pillugu ataatsimiitsitaliarsuaq oqaloqatigineqarpoq. Nunarsuarmi anguniakkat tunngavigalugit aamma Danmark Statistiki, aalisarnermut tunngasut kisitsisitigut paasissutissat pitsangorsarneqarnissaanik, suleqatigineqarpoq.

Naatsorsueqqissaartarfimmit aalisarnermut tunngasunik naatsorsuutinik ilaatigut itisiliilluni naatsorsuutinik suliaqartoqartalernissaa kissaatigineqarpoq.

3.19 Sanaartornermut aningaasartuutinut naleqqersuut

Sanaartoriaatsimut tulluartumik aningaasartuutinut uuttuutip allanngortinneqarnissaa pilersaarutigineqarpoq. Sanaartornermut malittarisassat akuerine-qareerpata taamaaliortoqassappat pitsaanerpaasussaavoq.

3.20 Pisussat pillugit ilaagassat (Fremskrivningmodeller)

Kalaallit Nunaanni pisortat isertitaat aamma aningaasartuutaat siunissami qanoq isikkoqarumaarnissaanik naatsorsueriaaseq Aningaasaqarnermut Naalakkersuisoqarfimmit suliarineqarpoq ineriartortinnejarluni, tamanna DREAM suleqatigalugu pivoq.

Naatsorsueqqissaartarfik tamatumunnga suleqataalluinnarpoq. Paasissutissat Naatsorsueqqissaartarfimmit ilisimatusartunut neqeroorut aqqutigalugu atukkiunneqarput. Paasissutissat ilaat atorlugit, Innuttaasut inuiaqtigii akornanni aamma aningaasaqarnikkut inissisimanerat pillugu naatsorsuutit suliarineqassapput.

Siunissami suliaq tamanna Naatsorsueqqissaartarfimmit suliarineqalissaaq, Aningaasaqarnermut Naalakkersuisoqarfimmit aamma Aningaasaqarnermut siunnersuisoqatigii suleqatigalugit suliarineqartassalluni.

3.21 A-bidrag (akilersuutit)

Naatsorsueriaaseq nutaaq malillugu kommunit tamarmik 2022-mi naatsorsuutnik saqqummersitsippata (naatsorsuutit 2021-moortut) kontoplani nutaaq malillugu suliaasussaapput. Kontoplan nutaaq atuutilerpat ilimagineqarpoq akilersuutit kisitsisitigut paassisutissiorneqarsinnaanngussasut, paassisutissani takuneqarsinnaassapput akilersuisut aamma akiliiffigineqartartut.

Kisitsisitigut paassisutissat soqtiginartorujussuupput. Isertitat pillugit paassisutissanut aamma soqtiginarpoq, ingammik aningaasaatikilliorneq aningaasarnerullu nikingassusaat eqqarsaatiginerullugit.

4 Ilisimatusarneq

4.1 Ilisimatusarneq

Naatsorsueqqissaartarfik naatsorsueqqissaarneq pillugu inatsit naapertorlugu avataanit aningaasalersukkanik ilisimatusarnissamut pisinnaatitaavoq. Periarfissaq tamanna Naatsorsueqqissaartarfip annikitsuinnarmik atornikuua. Kisiannili Kalaallit Nunaanni Kalaallillu Nunaata avataani ilisimatusartut suleqatigalugit Naatsorsueqqissaartarfik ilisimatusarnerni – akiliisitsilluni – paassisutissanik atugassiisarnermigut peqataasarnikuvoq.

Aammattaaq Naatsorsueqqissaartarfik ukiuni aggersuni arlalinni tulliuttuni nammineq ilisimatusarnissamut sulisussaqarnavianngitsoq ilimagineqarpoq. Kisiannili paassisutissanik pioreersunik pitsaanerusumik allaaserinninnikkut immaqalu nunani avannarlerni naatsorsueqqissaartarfift allat suleqatigalugit nunani avannarlerni ataatsimut paassisutissanik pissarsisinnaanikkut ilisimatusartunut Naatsorsueqqissaartarfimm paassisutissanik atuinissamut kissateqartunut arlalinnik pitsanngorsaanissaq pilersaarutaavoq.

5 Sulisut

5.1 Sulisut

Naatsorsueqqissaartarfik 2021-p naanerani 15-inik sulisoqarpoq.

5.2. Sulisut kattuffiinut isumaqatigiissutinut aningaasaliissutinullu sinaakkutit

Naatsorsueqqissaartarfik pisortat immikkoortortaattut allatulli akissarsiat pillugit qitiusumiit aqunneqarpoq aammalu sulisut inissaannik qitiusumit tunineqartarluni. Sinaakkutaasumik atugassaritinneqartut – suliassanut amerliartortunut sanilliullugit – Naatsorsueqqissaartarfip pisariaqartunik piginnaasalinnik sulisussarsiortarnerani sulisullu sulisoriinnarnissaanni unammilligassat annertusiartortunik ukiuni aggersuni iliuuseqartariaqarneranik kinguneqarput.

5.3 Piginnaasat nutaat

Naatsorsueqqissaartarfimmi suliassat ukiuni kingullerni allanngornikuupput. Kisitsisitigut paasissutissanut nalunaarutit Naatsorsueqqissaartarfip annertusiartortumik elektronikinngorlugit tigusalernikuuai, avammullu saqqummiinerit kisitsisitigut paasissutissat aamma kisitsisaataasivimmiiittut taamaallaat nittartakkakut pisarput.

Namminersorlutik Oqartussat ataanni aqutsisoqarfitt allat IT-mi aamma allaffissornermut suleqatigiinnissamik Naatsorsueqqissaartarfik isumaqatigis-susiornikuuvoq.

akilerneqarlutik Naatsorsueqqissaartarfip suliassaani suliarinninnissaat pillugu Naatsorsueqqissaartarfip ukiut pingasut kingullit ingerlaneranni isumaqatigissusiorfigisarnikuuai. Allaffissornermi suliassat pillugit iluaqutaasumik suleqateqartoqarsinnaanersoq isumaliutigineqassaaq.

Naatsorsuutinut nalunaarsuisarneq, kisitsisaataasivimmut ilioraaneq, paasisutissanik qarasaasiament nalunaarsuisarneq katersuisarnerlu, nutserisarneq, assiliartaliortarneq IT-milli ikuutarneq pillugit suliassat ukiuni kingullerni tallimani – qulini annertuumik ikilisimaneannik aamma Naatsorsueqqissaartarfimmi sulisut katitigaanerannut piumasaqaatit allanngoriartorsimaneannik qulaaniittut ataatsimut isigalugu kinguneqarput, taamaalilluni sulisut tamariunnangajammik kisitsisitigut paasissutissanik suliaqarnermi suliassanut pingaarnernut siunissami piginnaasaqassallutik. Elektroniskinngorlugit nalunaarutinik annertunerusumik atuineq avammullu saqqummiisarneq, sulisut ikiligaluartut kisitsisitigut paasissutissat amerlanerit suliarineqartarnerannut pissutaapput, atuisullu siusinnerusumut sanilliullugu paasissutissat immikkualuttunngortinnerullugit pissarsiarinissaannut periarfissaqalerlutik. Ineriartorneq taanna ingerlatiinnarniarlugu IT-mik, paasissutissanik suliaqarnermik paasissutissanillu nalilersuinermik piginnaasallit sulisoriinnarnissaat sulisussarsiarineqarnissallu pisariaqarpoq.

Suliffeqarfimmit soraartoqarsinnaanera sulisullu eqqortunik piginnaasallit sulisussarsiarineqarsinnaanera pingaaruteqassusia Naatsorsueqqissaartarfip eqqumafifai. Taamaammat Naatsorsueqqissaartarfimmi sulisut pingaarnerit sulisoriinnarnissaat kiisalu sulisut pikkorissut sulisorilernissaat siuntertaralugu kalaallit ilinniartut akornanni Naatsorsueqqissaartarfip annertunerusumik saqqumilaarnissaa isigniarneqartariaqarput.

5.4 Sulisut sulisoriinnarnissaat

Sulisut sulisoriinnarnissaannut atatillugu suliffiup suliamik ingerlatsinermi ineriartorfiusinnaanera qitiusutut isigineqarpoq. Sulisut namminneq suliamik ingerlatsinermi ineriartornissaminnik akisussaaffeqarnissaannut Naatsorsueqqissaartarfik sinaakkusiissaaq.

Ulluinnarni sulinermi suliad assigiinngiaassapput. Ingerlatsinermi suliassat ingerlaavartut saniatigut immaqa ilisimatusartut, ilinniartut kiisalu pisortat allaffissornermi sulisui nalilersuisartut suleqatigalugit tulleriinnilersukkanik ineriartitsinermi suliniutinik suliaqarnissamut piffissaqassaaq.

Naatsorsueqqissaartarfip ilinniaqqinnissamut periarfissanik pilerinartunik, ataatsimeersuarnerni peqataanissamik piginnaasanillu qaffassaanernik allanik neqerooruteqartarnermigut sulisut tunnusimanissaat tapersissavaa. Ingerlat-

sinermut pilersaarut malillugu taamaaliortoqartarnissaanik immikkut pingartsitsisoqassaaq.

Immikkut ilisimasaqalerluni sulianik ingerlatsinermi ineriertortitsineq nunat avannarliit naatsorsueqqissaartarfiini ilaagitut nunani tamalaani naatsorsueqqissaartarfinnik suleqateqartartunik pikkorissartarnikkut pisinnaavoq. Qitiusumik allaffissuup pikkorissartitsinermut immikkoortortaqarfia nunatsinnilu ilinniarfiit suleqatigalugit immikkut ilisimasaqalernissamut ilinniarnissamik pisariaqartitsisoqarnerani nunatsinni neqerooruteqartoqarsinnaaneranut naammattumik soqtiginnilersitsisinnaaneq misissorneqassaaq. IT-mi atortunik pisariaqartunik ilinniarnerit ullumikkut E-learning aqqtigalugu tamarluinnangajammik ingerlanneqarsinnaapput.

5.5 Sulisussarsiortarneq

Kalaallit Nunaanni ilinniartitaanerit piginnaasanik Naatsorsueqqissaartarfiup ujartugaanik ineriertortitsinissamut killilimmik sammiveqarput. Ilinniarner-tuungorniarfimmi ilinniartut ikittuinnaat matematikki qaffasissosq toqqartarpaat, aamma Kalaallit Nunaanni ingerlaqqilluni ilinniarnerit ilinniartitsis-sutinut toqqagassanut, suliassanut immikkullu ilinniagassanut piginnaasanik Naatsorsueqqissaartarfiup ujartugaanik ineriertortitsinermut atatillugu toq-qaavinnissamik pisariaqartitsisoqarpoq.

Ilinniarnernik ingerlatsinerni peqataanikkut, pikkorissartitsisarnikkut sulias-sanullu tunngatillugu ilitsersuisarnermi peqataasarnikkut ilinniarfinni ersarissuunerunissaq Naatsorsueqqissaartarfiup kissaatigaa. Naatsorsueqqissaartarfik Kalaallit Nunaanni ilinniartut akornanni kalaallillu Danmarkimi ilinniartut akornanni ingerlaavartumik aamma praktikkertussarsiortarniarpoq.

Naatsorsueqqissaartarfiup aalajangiisartut ilisimatinniarpai Kalaallit Nunaanni ilinniartitsisarnermi IT-mik, matematikkimik aamma pingortitamik ilinniartitsissutinik meeqqat atuarfianni aallartilluni ilinniartitsisarneq amigaatigine-qartoq.

Naatsorsueqqissaartarfiup nittartagaanik quppernermik ilinniaqqittut opgaviliornerminni suliarisinnaasaanik imalimmik isumassarsiorfissamik immikkut pilersitsisoqassaaq.

Siornatigut Naatsorsueqqissaartarfik ilinniartunik qarasaasiamut immersuis-susanik, paassisutissanik katersisussanik allanillu suliaqartussanik sulisoqartarnikuvoq. Qarasaasiaq atorlugu suleriaaseqarnerulerup kinguneranik ilinniartunik sulisoqarnissaq annikilliartorpoq, taamaattumik Naatsorsueqqisaartarfik tamakkuningga suliaqartussanik ilinniartunik sulisoqassaarnikuvoq. Naatsorsueqqissaartarfik ilinniartunik sulisoqarusuppoq siunissami sulilerumaartussanik. Ilinniartunik sulisunut piumasaqaatit maanna qaffasin-nerupput. Ilinniarlutik sulisut siunissami Naatsorsueqqissaartarfimmi suliinna-rusunnissaat pisariaqarpoq.

5.6 Kalaallit Nunaata avataani siunnersortit sulisullu

Naatsorsueqqissaartarfik Kalaallit Nunaata avataani najugaqartunik marlunnik ullumikkut sulisoqarpoq. Sulisut Kalaallit Nunaata avataaniittut Naatsorsueqqissaartarfimmi minnerpaamik ukiuni 15-ini aamma 20-ni atorfegareerni-

kuupput. Sulissarsortarnermi pissutsit pissutigalugit Kalaallit Nunaata ava- taani atorfinititsinissaq pisariaqarnikuvoq.

Siunissami soorunami anguniagaavoq sulisut nutaat Nuummi allaffimmi suli- sassasut. Kisiamili Kalaallit Nunaanni sulissarsinissamik ajornartorsiute- qarneq pissutigalugu sulisut sivikitsumik Kalaallit Nunaaniittut ilinniartinne- qarnerannut isumallutinik atuinani Nuup avataani piffissami sivikitsumi sulisut ilanissaat imaluunniit nunani avannarlerni naatsorsueqqissaartarfinni allani siunnersortit atorneqarnissaat piffissat ilaanni tulluartuussaaq.

Nuna tamakkerlugu naatsorsuutit aamma akiliisarnerup naligiissinnera Danmarks Statistikimit siunnersortimit ikiorteqarluni ullumikkut suliarineqar- tarput. Immikkoortuni immikkut ilisimasaqarnissamik pisariaqartitsiviusumi Danmarks Statistikimit ingerlaavartumik ukiuni aggersuni ikiorserneqartar- nissaq aamma naatsorsuutigineqarpoq.

6 Atuisut

6.1 Atuisut

Naatsorsueqqissaartarfiup nittartagaanut isertartut malinnaaviginerisigut Naatsorsueqqissaartarfiup suliai qanoq atorneqartartiginersut, suliat sorliit soqtigineqarnerunersut aamma nunanit sorlerniit Kalaallit Nunaat pillugu paasiassarsortoqartarnersoq malinnaavagineqarsinnaapput. Naatsorsueqqis- saartarfiup ukiumoortumik nalunaarutaani nittartakkamik atuisimanermut paasissutissat ilanngunneqartarput.

Atuisut kisitsisitigut paasissutissanik atortakkaminnik naammagisimaarinni- nerannik misissuinikkut isertartunik kisitsisitigut paasissutissanik Naatsor- sueqqissaartarfiup ilaniarpaa. Atuisunik misissuineq annertooq pilersaru- taangnilaq, tassungali taarsiullugu kommunini, soqtigisaqaqtigiaanni, suliso- qarfinni, ilisimatusarfinni ilinniarfennilu atuisut pingarnerit ataatsimeeqatigi- niarneqarput.

Nittartagaq pillugu aamma kisitsisaataasivik pillugu pikkorissaanermi Naatsor- sueqqissaartarfik pikkorissartunut paasiniaasalerniarpoq nittartakkamik atui- nermik misigisaannik.

Sulisunik isumalluutit aningaasatigullu isumalluutit killeqarnerat pissutigalugu kissaatigineqartut tamaasa malinneqarsinnaanngitsut taamaammallu kisitsisiti- gut paasissutissat allannguutissaattut nutajusinnaasut allannguutaasinnaa- sullunniit malitassatut pingarnerit siulersuisut kisitsisitigut paasissutissanik tulleriinnilersuineranni ilaassasut atuisunilluunniit akilerneqassasut atuisunut ilisimatissutigissallugu pingaruteqarpoq.

7 Aningaasaqarneq

7.1 Aningaasaqarneq

Piffissami sivisuumi kisitsisitigut paasissutissat pigineqartut pitsangortin- nissaat kisitsisitigullu paasissutissat nutaat aallartinneqarnissaat pillugit angu- niakanut tunngatillugu aningaasaliissutit annertussaat ajoqtaanik sulisus- sanik piginnaasalinnik sulissarsortarnermi unammillerutaapput.

Sulisussarsiortarnerup pitsangornissaa apeqquataillugu suliniutit ilaat immikkoortumi 3-mi qulaaniittumi allaaserineqartut – ukiut arlallit ingerlaneranni - maannakkut aningaasaliissutit iluanni Naatsorsueqqissaartarfuiup ukiumoortumik suliassanut pilersaarutaanut ilanngunneqassapput. Kisiannili nalilerneqarpoq immikkoortut kisitsisitigut paasissutissat nutaat ilaanni aningaasaliissutit pillugit siunissami inatsisini Naatsorsueqqissaartarfimmuit aningaasaliissutit amerlineqarnissaat pisariaqartoq. Naammattunik aningaasaliissuteqarnissaq eqqortunillu sulisussarsinissaq pisariaqarput, kisianni immikkoortorpassuarni nammannatik. Kisitsisitigut paasissutissanut tunngavissatut aaqqissuussanik assigiaartunillu nalunaarsuisarnissaq apeqquataavoq.